



Pou Piblikasyon Imedya: 17/05/2021

GOUVÈNÈ ANDREW M. CUOMO

GOUVÈNÈ CUOMO ANONSE KONSÈY ADISYONÈL POU FWA KONTE YO AK FESTIVAL LOKAL YO

Gouvènman lokal yo dwe pèmèt fwa konte yo ak festival lokal yo; Apwobasyon DOH Eta a pou evènman k ap gen 5,000+ patisipan yo

Limit kapasite pou fwa yo ak festival yo pral baze sou espas ki disponib pou mentni distans sosyal, sòf si patisipan yo bay prèv estati vaksinasyon konplè

Fwa ak festival yo ka egzije mask pou tout patisipan yo, epi dapre konsèy CDC yo mask yo obligatwa pou patisipan ki pa vaksinen nan kèk anviwònman ak anndan kote yo pa konnen estati vaksinasyon an

Jodi a Gouvènè Andrew M. Cuomo te anonse konsèy adisyonèl pou fwa konte a yo ak festival lokal yo toupatou nan New York. Gouvènman lokal yo dwe pèmèt fwa konte yo ak festival lokal yo epi konsidere direktiv sante COVID-19 yo ane sa a. Apwobasyon Depatman Sante (Department of Health) Eta a pral obligatwa pou evènman ki gen plis pase 5,000 patisipan ke yo prevwa, ki an akò avèk pwosesis revizyon ki egziste deja. Fwa konte yo ak festival lokal yo dwe asire ke kantite total patisipan yo limite pou yo ka konsève sis pye distans lan ant moun ki pa manm menm pati a, sof si tout patisipan yo prezante prèv estati vaksinasyon konplè. Fwa ak festival yo ka egzije mask pou tout patisipan yo, epi dapre konsèy CDC yo mask yo obligatwa pou patisipan ki pa vaksinen nan kèk anviwònman, ak anndan kote yo pa konnen estati vaksinasyon an.

"Fwa ak festival yo se gwo motè ekonomik pou kominate yo toupatou nan eta a, epi ane pase a yo tout te sou poz akòz pandemi COVID la", **Gouvènè Cuomo te deklare.**
"Kòm plis Nouyòkè ap pran vaksen an epi nou kontinye kenbe to pozitivite ak kantite moun ki entène lopital yo ba, n ap reyajiste estrateji re-ouvèti nou yo epi pèmèt plis evènman ak atraksyon rekòmanse. Nouvo konsèy sa a pral pèmèt fwa konte nou yo ak festival lokal yo ouvri nan pi gwo kapasite ki posib pou yo ka rete vyab ekonomikman, pandan l ap toujou asire sante ak sekirite publik."

Yo dwe swiv konsèy eta a ki espesifik a endistri a pou aktivite aplikab yo ak atraksyon ki prezan nan nenpòt ki fwa oswa festival, tankou amizman ak Iwazi familyal, sèvis alimanter ak bwason, pèfòmans atistik ak Iwazi. Drektiv aplikab Sant pou Kontwòl ak Prevansyon Maladi (Centers for Disease Control and Prevention, CDC) a, tankou "[Direktiv pou Òganize Gran Evènman ak Gran Rasableman yo](#)", Yo ta dwe konsilte li tou, jan sa apwopriye.

Anplis limit kapasite, distans sosyal ak nenpòt ki kondisyon mask, fwa konte ak festival lokal yo ta dwe konsidere bagay sa yo pandan y ap planifye pou fèstivite ane sa a:

- **Enfòmasyon Kontak Patisipan yo:** Fwa ak festival yo ta dwe ankouraje omwen yon patisipan nan chak pati pou siyen pandan y ap fè tikè a, oswa anvan oswa imedyatman lè y ap antre nan espas evènman an, pou yo bay non yo, adrès yo ak nimewo telefòn pou yo itilize nan kad efò potansyèl pou trasaj kontak.
- **Depistaj Sante:** Fwa yo ak festival yo dwe aplike tès depistaj sante pou tout moun ki gen ladan kesyon sou nenpòt sentòm COVID-19, kontak sere, rezulta tès COVID-19 pozitif ki resan, ak konfòmite avèk konsèy vwayaj Eta a. Depistaj yo ka fèt atravè simyalizasyon, lè y ap achte tikè, pa imèl/sit entènèt, pa telefòn, oswa pa sondaj elektwonik anvan moun yo antre nan espas evènman an.
- **Ijyèn Men:** Fwa ak festival yo dwe bay estasyon pou lave men oswa ekipman pou dezenfekte men pou zòn komen yo ak zòn kote enstalasyon pou lave men yo ka pa disponib oswa pa posib.
- **Pou Netwaye ak Dezenfekte:** Fwa ak festival dwe netwaye regilyèman epi dezenfekte, konsantre sou zòn ki gen anpil sikilasyon, tankou twalèt yo, ak sifas yo manyen souvan yo, tankou kontwa sèvis ak syèj yo.
- **Kominikasyon:** Fwa ak festival yo dwe afiche sinalyzasyon k ap enfòme patisipan yo sou prekosyon sante yo (egzanp, distans sosyal, mask, ijyèn men) ak makè distans ki endike espas sis pye nan zòn kote fòme liy yo oswa kote moun rasanble, sof si tout patisipan yo pran vaksen konplètman.
- **Konsèy Aplikab:** Fwa ak festival yo ta dwe konsilte konsèy Eta a pou aktivite ak atraksyon espesifik yo, tankou pèfòmans atistik ak lwazi, amizman ak lwazi familyal, sèvis alimantè ak bwason, sèvis vant an detay ak mache, aktivite agrikòl ak espò ak rekreyasyon.

Anons jodi a apiye dènye mezi Gouvènè Cuomo yo pou re-ouvri ekonomi an pi plis konsidere pwogrè enpòtan nan vaksinasyon yo epi rediksyon konstan nan ka ak ospitalizasyon COVID-19 yo. Jiska yè, 62 poustan adilt nan New York te resevwa omwen yon dòz vaksen epi 52 poustan te konplete seri vaksen yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)